

宣
统
新
疆
图
志

新疆圖志卷九十二

奏議二

左宗棠一
戶部

遵旨陳明擬辦事宜摺

官軍出關分起次第行走摺

請飭部議出關官軍應增正餉片

出關各軍餉數及糧料運腳請飭部議摺

出關諸軍餉數糧價運腳辦理摺

出關各軍連腳難拘定例片

嵩武軍在哈密墾荒片

附額勒和布多布沁扎木楚杜嘎爾摺

覆陳移設糧臺事宜摺

附景廉摺

遵旨陳明擬辦事宜摺

竊臣於十一月初九日准兵部遞到火票軍機大臣字寄十月二

十九日奉

上諭前因肅州克復加恩以左宗棠協辦大學士並

賞給一等輕車都尉世職本日復明降

諭旨將穆圖善等分別加恩獎叙以示論功行賞用彰勞肆現在
關內肅清隨右大兵雲集自應乘此聲威分路西征景廉駐紫古
城兵力單薄亟應添派勁旅以圖進取金順所部尚有二十營若
與景廉合在一處則兵威較壯景廉本有請飭金順前赴古城之
奏卽著統率各營尅日馳赴古城相機進勦以期規復烏魯木齊
景廉於金順到後將各隊如何分撥前進之處卽著和衷商辦不
得稍涉意見其額爾慶額馬隊卽著左宗棠飭令隨同金順西進
聽候調遣哈密雖獲勝仗現在是否解圍未據文麟等續報張曜
宋慶所部兵力較厚該提督等久歷戎行辦事奮勇朕所素知著
卽督率所部馳往哈密駐紮會同文麟明春等相機防勦遇有軍
情緩急均准會銜奏事穆圖善所部馬步各隊久駐涇州徒置無

之地著卽飭令該統領等分起前赴安敦玉一帶駐紮以爲諸軍後繼該將軍現在奏請陞見著將各隊分派起程後再行來見面授機宜以上各軍經朕酌量分派後該將軍等接奉此旨卽行奮速前進不得託詞耽延倘有玩泄從事朕必當按律懲辦決不寬貸至各該軍馳赴關外糧餉一切及轉運事宜責任綦重必須先事預籌並督飭地方官悉心經理帶兵大員其勢難於兼顧左宗棠身任兼坼責無旁貸著卽統籌各軍所需糧餉軍火等項每月應用若干寬爲預備陸續轉輸毋令稍有缺乏如果各該軍逗遛不進則罪在主將儻因糧餉不繼致誤戎機朕惟左宗棠是問關外情形究竟若何糧運道路若何鎮迪以東諸總督統轄之地著卽詳細查明繪圖呈覽河州狄道回情是否安貼該大臣督辦糧運自應駐紮肅州蘭州省城祇有藩臬駐紮是否足恃西南安插各回衆能否不滋事端並著左宗棠據實具奏左宗棠所部各隊久在邊陲其中疲乏者諒亦不少自應分別遣撤將得力之師分

禁各要害以資彈壓值此餉項支絀之時尤宜汰弱留強以節糜費欽此跪誦之下欽仰我

皇上軫念西陲洞闢邊務際此關隴肅清爲邊塞一勞永逸之計申命諸將尅期出關疆口總司糧餉分別責任迅赴戎機在事文武諸臣懔遵

聖諭敢不殫誠竭慮以求仰慰

宸匱竊維由肅州出嘉峪而西本漢唐行師大道關內外風土相同非有洪濤巨浸崇山峻嶺足妨戎馬也安西玉門敦煌近雖遭白逆股匪擾掠一空然使關內之糧足供裹帶車駝駝隻足供周轉無庸仰給安西出關之兵何憚不進近時軍情無復以出關爲苦者以此然徒言出關固尙非難至由安西抵哈密計程十一站千里而遙經由戈壁無臺站無水草砂礫縱橫人馬每多困頓中間僅安西城北四站馬蓮井尙可支帳小憩以備汲飲而亦未可久留過此又七站始抵哈密回城地暖而腴爲糧頭回族聚居之

所軍興以來音耗闊絕近被白逆股匪竊擾是否有餘糧足供採買更無從知臣前在肅與諸軍集議官軍分起次第行走必先將甘涼採買糧料運存肅州又由肅州出關運至玉門然後頭起開拔至玉門又用其私駝轉搬玉門存糧以赴安西騰出官駝官車轉還第二起軍糧而後第二起繼進餘軍仿照辦理此抵安西州作一停頓又裹糧進哈密如此層遞銜接人畜之力方稍舒展而士氣常新可免意外之慮矣至由哈密前進所有糧運事宜斷非力所及自古至今從未有運涼甘肅之糧濟哈密以西軍食者語云千里饋糧士有飢色言其不宿飽也今涼甘肅之糧運哈密計程實近三千而所歷又皆兵燹之餘砂鹵之地其勞費顧待問哉

諭旨飭金順額爾慶額由哈密進古城與景廉會師金順等至安西州搬齊糧料必一面遣人赴哈密詢訪就近堪資採買者若干以定進止如就近有可設措自不須轉搬安西存糧以節勞費而

張曜所部遵

旨進哈密即可藉資其糧以進時距麥熟之期亦當不遠舊糧漸
進新穀旋升後此續進之軍方可相時而動臣所擬宋慶之軍及
部精選之軍蓄銳待發自可不誤師期

諭旨飭穆圖善率所部進駐安敦玉爲諸軍後繼

飭臣籌糧餉軍火等項寬爲預備陸續轉輸毋令稍有缺悞穆圖
善欽奉

諭旨感激奮興固不待言臣具有天良又新蒙
特恩至優極渥苟有一籌可展竟敢稍惜心力致煩

聖憲撫衷自問何以爲安顧無如時地足以限之關內之搜購無
餘非待明秋無從加採而前進各軍能否就近採買關外存糧
以供繼進之軍又難懸擬若勉挪前進各軍糧料以應穆圖善則
前進各軍中途缺食大局不堪設想若不挪前進存糧以應穆圖
善續至之軍一飽無時又將何策以善其後故於接到穆圖善咨

時業將一切實在情形縷悉咨覆請其將隊伍暫駐涇州平涼一
帶遵

旨陞見面陳此時急赴安西於大局有損無益確實情由伏候

聖慈詳示機宜俾有遵循大局之幸亦臣與穆圖善之幸也至金

順張國兩軍各有專餉無待臣籌額爾慶額所統吉林馬隊二百

騎黑龍江馬隊百騎穆圖善委解存餉三萬兩甚爲充裕其自挑

涼州滿營百騎及臣撥交桂錫楨馬隊一營一起臣已各發滿餉

四箇月交額爾慶額並撥購到口馬二百五十四健駝二百隻洋

馬礮軍械各件以壯其行出關各軍所需軍火現解肅州者堪資

一年之用如遇各軍餉到稍遲必應墊發者臣自當相其緩急應

之惟臣軍餉項奇絀久在

洞寥之中如各軍視爲公中糧臺取攜自便無論點金之術缺悞
必多且將來欵目轉轄過多從何銷算此非由部臣派員專立一
案隨時考核嚴切催提不可非臣力所及也

諭旨 詢河州狄道回情是否安帖該大臣督辦糧運自應駐紮

肅州蘭州省城祇有藩臬駐紮是否足恃西甯安插各回衆能否

不滋事端並著左宗棠據實具奏

四

維甘肅一省變亂十餘年被

禍慘烈甲於天下所以然者回變與髮逆捻逆不同而甘回與陝

回起畔緣由又異當時辦法未能苦心分明遂致紛紜日甚不可

收拾也陝回之禍由於漢回構怨已久起畔之故實由漢民而匪

回乘機搆變並敢戕害剛防大臣據地阻兵法難曲貸迨官軍屢

與痛剿凶悍首逆馬政和楊文治于彥祿均已投首憲殄滅已

多所存無幾

國法已伸其餘首從各逆既俯首輸誠自可概邀

寬典安置甘境與漢民異處以杜畔端通計陝回七八十萬現存

者除白彥虎股內二千有奇此外安插甘境者不過六萬餘衆而

已甘回雖不如陝回之悍然人數較多自乾隆年間新教潛入內

地久懷入室操戈之心且圖謀不軌時與

國爲仇讐互北數省無所畏忌是法所必誅時不可緩者也辦法宜嚴首惡不可稍縱幸託

皇上福庇事機順利首逆馬化龍父子馬桂元兄弟及馬四等次第伏誅其餘各自懷異志者亦已悉數芟夷而後安西肅州甘州涼州一帶二千餘里並無回族聚處實漢唐以來未有之奇功竊計後此疆_土能慎擇廉明守令分布各郡縣毋有擾累興教勸學潛移民俗化其愚頑則雖百世相安可也至西甯本蒙漢回番雜處之區循化貴德巴燕戎格尤多回番而漢民頗少由西甯徑達關外有路可通不必取道嘉峪_山飭劉錦棠於明春解凍時親歷各隘擇要修築堡壘調撥兵勇分駐絕關外相通蹊徑以便盤詰而畫郊圻就回番之情言之番恩回狡一經不法之徒造謠鼓煽易生事端蓋新定之區恩信孚洽未久也然一經持平辦理旋即帖服察看情形轄境均尙安帖不獨河狄也_土宗棠料理糧運事宜畢仍回蘭州一爲安插肅州漢回難民一爲河湟客土難民有

准於收獲後遷徙安插者應速籌辦理以期永久一爲欠項積久
遺徵無資而蒙

恩飭撥部款百萬兩一時難以速到應及早預爲籌畫庶明春分
別辦理易於措手至糧運事宜繁重仍在得人而理臣不駐肅州
亦可隨時料量耳臣出省時將臣軍營務交河湟案內擬保陝西
遇缺題奏知府並

賞加鹽運使銜張宗翰及總兵范秉誠督辦城防標兵事交中軍
副將崇志料理而總司其成者藩司崇保臬司楊重雅也幸一切
經理得宜民情恬謐城野市肆晏然無驚傳臣無內顧之憂得以
一意辦賊而前敵所需軍火軍裝軍餉無不應念而至不但毫無
缺悞並有臣未及催提而委解已到者臣實深資其力合無仰懇
天恩加以甄錄崇保請

賞加頭品頂戴楊重雅請

交軍機處記名遇有甘肅總兵缺出請

旨簡放張宗翰遇有甘肅道員缺出儘先題奏並

賞加按察使銜閩浙補用總兵范秉誠以總兵記名請旨簡放並

請

賞給清字勇號以示鼓勵出自

恩施謹遵

旨據實一切擬辦事宜恭摺馳

奏伏乞

聖鑒訓示施行

同治十二年十一月二十二日
二月初十日

同治十二年十一月二十二日內閣奉

上諭左宗棠奏請將辦理營務城防各員獎勵一摺左宗棠前次
出省督兵勦賊派委布政使崇保等在省經理軍裝軍餉一切均
無缺悞尙屬著有微勞自應量予獎敘布政使崇保著賞加頭品
頂戴按察使楊重雅著賞加布政使銜補用總兵范秉誠著以總

兵記名請旨簡放並賞給巴圖魯名號以示鼓勵副將崇志
著交軍機處記名遇有甘肅總兵缺出請旨簡放知府張宗翰著
遇有陝甘道員缺出儘先題奏欽此

官軍出關分起次第行走摺

竊肅州克復大軍應卽乘勝出關速圖撫蕩人皆知之而能言之
臣始念亦謂巧遲不如拙速及體察軍情詳審局勢竊有不敢輕
議者請爲我

皇上敬陳之一在籌出關之兵宜審也通計攻肅各軍金順宋慶
徐占彪及臣節次調派馬步各起共六十餘營可謂多矣然攻堅
既久損折實多受傷成廢者亦不下數千之衆皆所稱精銳之選
也徐占彪所部蜀軍馬步十三營前後陣亡將士五百餘員名帶
傷者二千四百有奇宋慶一軍亡傷之數近千名而染病物故者
亦數百計金順所部步軍卽胡世英之英禮十營本非佳選又由
甯夏拔赴涼州時逃亡不少雖幸金順隨時補輯得以成軍每戰

身先作其勇氣然陣亡者數百名受傷殘廢者亦數百計此日在肅時所深悉者肅城克復後15與諸軍熟商非從新整理難收實效金順宋慶徐占彪均以爲然比飭隨帶之總兵戴洪勝余起立提督金慶元副將歐陽吉星等歸頭品頂戴記名提督譚上連統領併成五營益以三管馬隊駐守肅城修葺城壕俾成雄鎮飭肅州鎮總兵章洪勝接統楊世俊舊部馬步四營及親兵小隊駐嘉峪重修邊城以嚴鎖鑰並撥馬步小隊分駐關外以通玉門之氣其玉門靖逆營遊擊缺委隨營總兵銜副將陳南波署理安西協副將缺委隨營提督吳次漢署理敦煌沙州營參將缺委副將董福田署理各令挑汰存營孱弱兵丁而募山內獵戶補之各足一營五百名實數照內地防勇章程以月餉責其防守本境兼護運道緝遊勇。巡視嘉峪關畢回肅卽撤徐占彪馬步七營分別回籍挑留精壯併成馬步六營於肅城外擇水草便利處紮營按日操練亦便其養傷待愈耳時因出關期近諸軍整理需時奏調張

曜嵩武軍由鎮番涼州赴肅而嵩武軍到肅後軍食日增甘涼訂
買運肅之糧不敷接濟各軍之用不得已商請宋慶率所部回涼
州整理兼以就食宋慶又以舊部在豫者多募補易於集事而金
順出關在卽擬以所部現存精壯聽金順挑補額數俾期捷便^是
服其力顧大局深知緩急並慨私懷旋並撥副將馮桂增馬隊一
營布洛斯螺絲後膛開花大礮一尊飭總兵鄧增帶領礮手隨金
順出關以從其欲計此時整理就緒壁壘一新矣張曜一軍馬步
十四管隊伍整肅士飽馬羶堪稱勁旅^是並益以新製連架劈山
礮十尊布洛斯二號螺絲後膛礮一尊七擣後膛礮十桿其涼州
副都統額爾慶額馬隊除自挑涼州滿營百騎外穆圖善撥交吉
林二百騎黑龍江一百騎^是慮其單飭總兵桂錫楨帶所部馬隊
一營一起約四百騎歸其統帶計金張額三軍出關馬步共一萬
數千幸皆精實可用數月而後仍可調撥勁軍陸續繼進如此士
氣常新而不竭糧運常裕而不飢以之制關外客土逆回自操十

全之算一在籌出關之糧運宜審也肅州安西共隸一道而產糧
贏絀各屬攸殊肅州及高臺腴地也安西玉門頗多砂磧而敦煌
爲上腴軍興以來民困於逆回之擾掠復苦於軍營之捐擣久矣
民人存者不過十之三四地畝荒廢居其大半官軍藉興屯之名
先給領籽種牛價抵算採買糧銀搜括仰勒戶口流亡自白逆竄
出關外官軍復沒圍莊被陷安敦玉彫敵之狀較甚從前在肅
見難民絡繹入關恐轉徙日多荒地無人耕墾籌銀二萬兩分給
三州縣並撥寒衣萬套賑之冀留此災黎盡力屯墾庶異時餘糧
出關外各軍可就近採買稍節勞費也然目前軍食不能取給
安西則固不待言甘涼肅素稱腴地頻年戎馬被害最酷自徐占
彪偏師徑搗肅州肅回縮退諸軍戡定河湟甘涼道路漸次肅清
農民得安耕種倅獲中稔兩年以來尙供官軍採買然死亡既多
川原耕種不過十之三四其旱地更無過問者由蘭到肅途間
疊據土民紛遞紛呈求免採買比經再三開導除留民食及籽種

外諭其悉數出糶勿任居奇幸三郡民情樸愿又知官軍督減此
賊且能不擾遂得集有成數通計涼甘肅三郡訂買市斗軍糧十
六萬三千餘石按照額徵倉斗則三十餘萬石幾敵通省常額年
賦雖優議價值每市斗一石重三百餘觔給銀四兩而民間繳納
不前市價驟長每石竟至六七兩之多據甘州府縣稟報棍徒喬
良廷卽喬鐸李太和造謠煽惑阻納官糧以致市肆抬價居奇貧
民糶食無出軍民均困^日 察訪得實立飭將喬良廷李太和杖斃
並以署甘涼道肅宗鑒辦理額預撤任查辦訪聞局員候選知縣
杜輔仁甘標後營都司林長興有侵欺情事交調署甘涼道黃慶
章訊實詳參自此民間交糧乃漸踊躍然以訂買糧料總數供金
順張曜額爾慶額三軍食用及運糧車駝駝隻防管所需食用算
至明歲六月新熟尙短糧料市斗二萬餘石現擬盡括額徵本色
及各標管季糧陸續填補尙未知能否足敷且甘肅地氣高寒麥
秋雖在六月而民間割麥完畢必應堆集成垛俟其穡蘢結脫始

便暖打上市。此次七月十九日由蘭州啟行八月十二日始抵
肅州沿途村舍麥梁雖多而繳官上市者少明歲節候雖早計民
間繳納新糧必俟八月陳糧尙應寬籌兩月庶新熟之交得資接
濟此籌糧甘苦實在情形也就轉運言之自涼州至肅州共九百
里又自肅州至嘉峪關至玉門縣三百六十里玉門至安西又二
百里共一千四百餘里路多砂石用駝爲宜惟駝隻非農所蓄向
來民間所蓄惟驃馬牛驥以供農事藉應差徭所有惟木輪大車
不耐負重行遠頻年賊回擾掠牲畜極少差車無供上年成祿出
關強拉差車數百輛甫至玉門車夫棄車逃回并驃馬亦拋置不
顧自是更無花措手。於初夏派弁三路出口採駝三千又偏值
蒙古駝少價高採獲尙不及一千二三百隻報到者僅祇六百餘
隻。過甘郡時道府請重價僱用民車每運糧百斤行百里許給
銀四錢其應出差車許給銀二錢計四十餘日之久民車差車運
糧料到局尙不滿三千石幸。前調集各管官驃一千六百餘先

後到齊起運勉資周轉而前用民價在蘭州平涼所雇商民車駝
駝隻及袁保恒在河南雇辦車輛亦陸續搭運軍裝軍火抵甘於
是轉運稍旺肅州乃有存糧以後可以不須重價雇民車然通計
由涼州甘州採糧運肅由肅駝運至安西州合計民運車駝駝隻
腳價及官驛官駝官車員弁人夫薪糧牲畜草料口袋什物局費
一切攤算每糧百斤需銀拾一兩七錢內外其勞如此其費如此
夫豈此時財力所堪若非預籌撙節而動言用衆恐官軍之餉餉
不繼稱臺之儲峙早空不但後時不能保此不竭之源卽目前出
關之師亦且時憂飢潰此轉運艱難之實在情形也竊維自古關
塞用兵在精不在多方全盛時薦用兵卽先籌芻粟如漢趙充國
古稱名將其駐軍酒泉卽今之肅州治敦煌卽今之安西州治所
籌兵事重屯田而罷騎兵留步兵萬人藉省大費三奏力諍行之
卒效至今言西北兵者莫能外也乾隆間先兆惠苦守伊犁數
月維時北路兵阻不前其深入者僅精兵數百卒能力解重圍宣

威絕域約計當時北路士馬多亦不過數千然則道遠運艱不能用衆即古今承平無事官私充足時亦無以異可知也今擬出關之金順張曜額爾慶額所部馬步已一萬數千合之員弁丁役人夫將近兩萬值哈密解嚴賊蹤向吐魯番一帶竄走師行二千里尙未知能否及賊若遞擬以大軍接踵前進雖承平無事官私充裕時猶或難之矧當禍亂十年人物彫殘財用匱絕之日乎臣在肅時商之各軍汰疲乏冗雜弁兵以求精資遺傷殘成廢弁兵以省累察張曜一軍銳氣方新作爲頭起金順一軍次之額爾慶額又次之宋慶一軍整理需時軍裝駝隻均需增添購辦請留俟明年秋後繼發併擬於所部整銳足恃諸軍內再精選數千屆時慎擇統將率之同行如天之福甘涼安肅明歲豐稔西師飽騰再分起脅遞而前如行葦席庶邊塞肅清可操全算計期不過稍遲數月而局勢穩矣否則師行荒徼既不能因糧於敵復不能隨地征糧士馬苦於長征求一飽而不得正恐未及遇賊軍情先搖於

局勢無益而又害之且戰陣之事最忌於前突後竭行軍布陣壯士利器厚集於後則前隊得勢鋒銳有加戰勝而兵力愈增必勝之著也若全力悉注前行一洩無餘設有蹉跌無復後繼是乃危道詩言綿綿翼翼傳稱彼竭我盈蓋皆注意後路之說况出關之師所應加意者不僅哈密以西客土客回似成功不在欲速取威不僅一戰也區區之愚所爲不能自釋者以此至關外軍事除景廉每年尙間有緘牘往來餘則并未接過隻字卽鎮迪一道名雖隸陝甘總督管轄而實則由烏魯木齊都統及各大臣就近督率公事一切由其主持數十年前卽是如此。無從過問所有哈密以西糧運事宜應由出關各軍到地自行籌畫。固未能懸揣亦勢力所不逮非預爲諉謝也謹將籌辦出關事宜據實陳奏伏乞

聖鑒訓示施行

開治十二年十一月廿一日

請飭部議出關官軍應增正餉片

再用兵之要先審軍情古人所以於擇將時兼聽輿人之誦也此
次諸軍乘勝出關士氣倍奮况諸統將新承

恩旨受

寵若驚所部樂事赴功自不待言惟餉饋盈絀隱繫軍情有急須
體察者各軍餉事均由協餉省分解濟本有一定數目其解到多
寡實數臣無由知然嘗詢之金順張曜宋慶得其大畧以協餉實
數按照員弁兵勇長夫均勻攤算計每名每年可得實銀三十餘
兩餘除留備製造添補軍需軍裝購買駝隻之用別無餘積至糧
料價值轉運腳費按道里遠近牽算計每人所食月須淨糧四十
五觔馬隊一騎日須料五觔草十二觔兵勇長夫兩名所須食糧
月須九十觔均不可少照步軍攤算馬隊一營二百五十騎抵步
隊一營五百人長夫二百名之數其大略也各軍馬步兵勇每月
應得實餉僅止三兩有奇若按照食用糧料腳價攤扣則馬步兵
勇將所得實餉盡數賠繳尙須找銀繳局萬無是理若不按名按

騎攤扣則糧料價值轉運腳費等項又將何出應懇

天恩敕下戶部兵部會議出關各軍應得正餉每名每月若干兩責成協餉省分按數如期解濟此外糧料價值運腳共計需銀若干兩或責成協餉省分按月搭解毋得延誤如協餉省分力有不及務須及早奏派鄰省按月劃欵協濟不令虛懸庶出關之軍餉餉均歸有著雖遠道轉戰無殊近履階庭軍情益奮諸統將亦得所藉手以圖報稱壹意整軍討賊勿敢遷延功效可必而

朝廷以餉餉充純課其戎機遲速法行令肅於軍政實有裨益應敕下戶部揀派明幹司員將出關各軍餉需專立一案按月稽覈具報如協解省分稍有遲誤及餉到而各軍逗留不進各有攸歸庶餉需不催自急軍情慰愜無可藉口理合附片具陳伏乞

聖鑒訓示施行

同治十二年十一月十四日

出關各軍餉數及糧料運脚請飭部議摺

竊臣前奏出關諸軍餉盈絀隱繫軍情急須體察一片欽奉

硃批該部速議具奏旋准戶部鈔錄原摺奉

旨依議欽此。維出關諸軍現惟金順張曜額爾慶額三起除額爾慶額所部馬隊由穆圖善派交吉林二百騎黑龍江一百騎額爾慶額自挑涼州滿營百騎外撥交總兵桂錫楨馬隊一營一起共三百七十五騎歸其統帶應領月餉糧料運腳等項穆圖善撥交者由穆圖善支應桂錫楨一營一起由支應其涼州滿營之一百騎亦由支應不計外張曜一起步十二營馬二營業經張曜開報其糧料運費由河南支應金順併統成祿舊部馬步雖名三十餘營然步隊照五百人一營實數馬隊照二百五十騎一營計算金順自定二十營此外又由撥交副將馮桂增馬隊一營總計金張額三軍馬步約共一萬七千餘名騎并明春所帶成祿舊部二千餘名騎合計在內加之員弁丁役人夫則近兩萬矣以糧料價值轉運腳費而言計由涼甘採運肅州由肅州轉運玉門安西州所需民運車驥駄隻腳價員弁人夫薪糧牲畜草料口

袋什物局費一切均勻攤算每糧百觔約需銀十一兩七錢上下
料價稍減而腳價則一運道近則腳價猶少運道遠則腳價增多
現籌出關轉運腳價多於糧價數倍者兵燹之後人物彌殘絲毫
不能借資民力與承平時迥異無論子遺之民尙須官賑賑糧尙
須官運也臣於上年十二月初十日拜發各摺片業經詳細陳明
而以餉餉盈紓隱繫軍情急須體察懇

飭戶部兵部會議者以此茲戶部奏稱向來各路軍營需及一切
雜支均由各該大員酌量情形查照例章覈定數目奏請由部指
撥從未有先由部臣核定者又稱出關各營共計幾營每營弁兵
若干每月所需正餉若干其糧料價值運費按照時價貴賤道里
遠近計算共需若干戶部均屬無從知悉請

旨飭下左宗棠查明出關各營弁兵實數所需正餉糧料運腳等
項按照例章并體察關外情形每月實在需銀若干及出關各營
原撥餉項分晰聲敘先行奏明臣維現在出關各軍除額爾慶額

馬隊各營由^臣與穆圖善^臣撥交其餉糧轉運腳價由穆圖善與^臣
餉項內照舊劃給毋庸另籌宋慶一軍正需整理暫毋庸議其金
順一軍除^臣撥交馮桂增馬隊一營餉項亦由^臣劃給毋庸另籌^臣
其自統各營及接統成祿舊部馬步共二十營張曜所部馬步十
四營已經陳明在案惟^臣於金順張曜宋慶各軍餉項餉章無從
知其詳細上年在肅晤談僅得其梗概部議向來各路軍營餉需
及一切雜支等項均由各統兵大員酌度情形查照例章覈定數
目奏請由部指撥是金順等應奏部^臣應撥與^臣無干自可毋庸
置喙其糧料價值時估不同斗石大小筋兩輕重互異以及轉運
里數遠近均經^臣據實陳明若逐項分晰聲敘未免繁瑣且金順
至古城張曜至哈密一切又須從新算起諸軍有無例章可查情
形應由其酌度數目應由其核定^臣亦無能代籌也^臣前因各軍
馬步兵勇所得實餉僅三兩有奇按照糧料價值攤扣儘數賠繳
尙須找銀繳局若不攤扣則糧料價值轉運腳費等項又將無出

原係實在情形事繁軍情既有見聞不敢緘默故將餉數糧價運脚詳悉陳明上瀆

聖聰請

飭部會議一免諸軍藉口一期迅赴戎機至應否酌中定議諸軍
餉餉均歸有著之處無可查照無從核定仍應由戶兵兩部會議
除鈔摺咨明戶兵兩部外謹據實直陳伏乞

聖鑒訓示施行

同治十三年二月十六日

出關諸軍餉數糧價運腳辦理摺

竊臣前奏出關諸軍餉數及糧價運腳應由戶兵兩部會議一摺
聲明除額爾慶額所統馬隊金順所統馮桂增一營糧餉腳價由
與穆圖善餉項內劃給毋庸另籌外其金順張曜宋慶等出關
各軍餉糧應否酌中定議俾諸軍餉餉有著嗣准部覆金順張曜
宋慶應各將該軍所需正雜糧料等項查照例章並體察關外情
形每月實需銀若干並原撥餉項分晰咨報由臣奏明再由臣核

辦等因已經奏明奉

旨依議欽此。比恭錄並鈔部文飛咨金順張曜宋慶欽遵辦理
頃接張曜咨報所部嵩武軍馬步十四營按人馬實數每月應支
淨糧料四十三萬六千九百五十觔其管駝驥差弁長夫應支食
之銀糧駝驥應支食之料尙不在內該軍由河南應餉計每月照
章應得正雜餉銀三萬七千八百餘兩若將糧料價值轉運各費
攤扣不但全軍無餉且欠數甚鉅應請奏准將該軍糧運經費作
正開銷俾各營仍得正雜餉欵以資食用津貼其自出關以後軍
裝軍火軍餉等項轉運應請再添撥千兩以清墊欵此張曜所報
軍餉數目也宋慶所部毅軍據報步隊十四營又一旗馬隊一營
又一旗統計步勇七千二百名長夫一千五百餘名馬勇四百名
長夫一百三十六名共計馬步勇夫九千一百三十六名隨員差
弁夫丁不計月需淨糧料四十九萬三千一百餘觔照河南餉章
大建每月支銀四萬二千餘兩小建月支銀四萬一千餘兩前因

出關各軍採糧轉運艱阻萬狀奏明暫由肅州移駐涼州甯夏就近採運糧料供軍價平腳省尙可毋庸議加惟現擬撥馬步勇士千名馬百餘匹先進哈密放水灌池爲續進開墾之計及將來各營出關所需糧運屆時再照張曜餉事議增乃昭平允至宋慶所稱前因料理出關挪用正餉購辦駱駝千隻現已到營偏駝夫三百名此項駝料夫料每月須銀四千兩應請按月添撥此宋慶所報軍餉數目也金順一軍合明春所部自定馬步二十營人數在一萬以外嗣奉

諭旨明春所部歸其自帶聞金順仍自定馬步二十營所需糧料計已由局發過一千二百萬觔除派提督劉宏發等六營赴古城外金順擬於九月內親帶馬步四營赴巴里坤餘仍屯駐肅州安西該軍馬步餉章與楚軍相仿較之張宋豫軍餉章爲優其在安西糧料均由肅局應付應請作正開銷該軍餉項提解不少頃據額爾慶額桂錫楨等古城來報該處一帶糧料每石重三百餘觔

合銀三兩近因官軍陸續到境就廉定作四兩三錢已爲金順訂
買二萬餘石旋據史念祖等稟報所聞相同似金順全軍撥行可
供十箇月之食但^五所接景廉八月來報尙云須由關內齎糧前
往金順近日來報亦以爲然無從揣測按關內採糧由涼州起歷
甘州肅州以達安西計程一千五百六十里合糧料價值車駄駝
隻運腳及各項費用計算每糧料百觔實需銀十一兩七錢有奇
惟由涼州而西抵肅州所採糧料近西一站則運腳之費可遞省
一站故甘屬運腳省於涼肅屬運腳又省於甘也是糧運價值雖
由涼起算而途遠近卽腳價多寡所關並非以十一兩七錢上
下爲定也原奏亦曾聲敘及之景廉前奏稱科布多烏里雅蘇台
採糧一石運至古城需銀十餘兩勞費甚多已奏停止而以出關
各軍糧料應由關內接濟爲言不知由烏科採運至巴古需銀十
餘兩之多僅與由涼採運至安西所費腳價相等而由烏科採運
至古城一石計重三百餘觔較由涼州運安西計重百觔之價脚

已少三分之二况由安西逾哈密轉運巴古計二十六站一千九百八十七里每百觔又須加運腳過倍乎臣前緘致金順言之頗詳然猶不知巴古一帶本有糧可採價並不昂又可省運費二十餘倍也以臣所見所聞言之金順到巴古後萬無舍近求遠舍易求難舍賤食貴之理臣與景廉金順同辦一事所用同係朝廷至艱之餉但論於軍情

國計有裨何庸妄存意見所有金順一軍餉事糧事就所知者據實陳之至查照例章體察關外情形每月實需若干應請飭金順自行陳明總部核辦金順既蒙

簡放幫辦大臣本軍事體應自徑陳臣尤不應越瀆也所有諸軍餉數及糧運價脚謹據實覆

奏伏乞

聖鑒訓示施行

同治十三年十月十四日

出關各軍運腳難拘定例片

再部議出關各軍運腳照定例按程核算較_甚原奏每糧百觔約需銀十一兩七錢上下數目不無懸殊查例載運腳係專指僱用車驥駝價而言_甚原奏關內採運由涼州歷甘州肅州以達安西計程一千五百六十里每糧百觔約需銀十一兩七錢上下係合糧價車驥駝隻腳價及員弁人夫薪糧牲畜草料口袋什物局費一切統算在內均勻攤價故與例載專指腳價言者多寡之數不符若專就運腳言之固不至懸殊也且此時甘省新復之區人物凋殘絲毫不能藉資民力與從前承平日久地方完善情形判若霄壤自未可按照成例致誤轉輸現時關內轉解糧餉軍裝軍火官運民運相輔而行民運腳價無論僱用車驥駝馬酌定每運百觔百里均各給銀四錢而額爾慶額出關僱用之民駝則自定百觔百里給腳銀五錢關外食物昂於內地腳價較內地加增現辦情形已難一例也民運腳價之外尚有民夫口食牲畜喂養及應用什物各項一有缺乏立形滯礙停待一日所費更多故必須設

立官局隨時給領酌扣價銀始爲省便雖比民間買價津貼已多而費實不容惜故關內民運百觔百里給腳價銀四錢合之局用津貼實不止四錢關外民運百觔百里給腳價銀五錢合之局用津貼亦尙不止五錢也官運須分途採購車駄分幫派弁夫管理車軸鞍架繩索口袋什物須隨時修整備辦牲畜須按站預備草料醫藥以資養喂車輛損懷牲畜倒斃又須裁併挑換隨時買補填槽所費極繁而總分局員弁夫役護勇工匠薪糧局用正雜諸費尙未計也此項費用指官民運脚而言自應攤入糧價並算約言之則爲一端分言之則欵目瑣碎非俟轉運歲役專案據實開報請銷急難清理就緒此時就所摺過糧價實銀言之除宋慶一軍去歲由甘州肅州各局支領糧料已經結算價銀外金順一軍領過糧料截至本年九月內共一千二百萬觔應攤合價銀六十六萬餘兩內收還銀六萬七千五百七十六兩一錢八分尙摺過銀五十九萬餘兩張曜一軍領過糧料截至本年九月上旬止

共支四百七十萬零九百餘觔應攤合價銀二十五萬九千餘兩
內收還銀六千餘兩尙墊過銀二十五萬三千兩合之金順一軍
糧價由五墊付者已八十餘萬兩此該兩軍未出關以前由甘州
肅州各局就近支領居多故攤扣價銀每百觔約合五兩五錢有
奇若全隊出關以後糧運仍由內地籌供則由涼州遞運安西州
每糧百觔實需銀十一兩七錢有奇安西轉解哈密又須從新起
算程途遠近卽腳價多寡所分路途少一站運費可省一站牽算
分攤費自輕減並非以由涼州至安西州十一兩七錢上下爲定
也前摺已經陳奏所有運脚難拘定例及五墊過金張兩軍糧價
截至本年九月上旬實數謹附片陳

奏冉金順一軍借過五軍餉銀十二萬兩並未還欵現又允借助
駝隻三四百隻運糧至巴里坤張曜一軍借過五軍餉銀三萬兩
未還現又借助駝隻運糧至哈密均未在兩軍採運欠項內計算
合併聲明伏乞

聖鑒訓示

清治十三年
十月十四日

嵩武軍在哈密墾荒片

再口前准統領嵩武軍廣東提督張曜來牘現在軍進哈密必就該處荒蕪地畝開墾以益軍食查該處荒地極多纏回現存者不過二三千人尙多無力耕種者除哈密大臣兩軍已種之地及回民自行耕種外荒地尙數萬畝應否由其盡力墾耕以盡地利臣維哈密地方本回王邁哈默特世守之業茲纏回離逖荒地無人承耕文明兩軍既已分撥所部耕墾客軍事同一律自可盡力開荒聊佐軍食惟屯田一事名雖同而實則異有初時用兵征剿就地興屯事定入官者爲兵屯現在南北兩路各地皆有之有屬地被賊擾害戶口逃亡官軍討賊於師行地方耕且戰隨地招徠難民復業雜居耕種比事定後地已開荒成熟仍還之民此卽甘肅近時辦法其始雖名兵屯然地仍歸之民不得謂爲兵屯也其後民歸舊業各安隴畝亦不得指爲兵屯查哈密內附已久素稱

恭順事體本與南北兩路不同撫頭回民雖此時避匿於他方如果屯務辦理得宜自將撫負而至此時官軍就地耕墾既非兵屯應隨時察酌情形遇有哈民來歸卽發賑給種並指給地畝俾得自耕自食或給予偏值令其隨同耕種俾得自食其力異時官軍拔行地畝開荒成熟哈民復業者必日多一日是官軍開荒於軍食有裨於哈密故業無損而哈密復業得免開荒之勞尤所心願所辦屯務與關內外無殊是視哈密如關內外也庶可仰體

朝廷覆載生成之意至文明兩軍已墾地畝之外尙餘荒地甚多客軍雜處承耕自須約束勇夫凡遇農工交涉彼此勿因爭執而釀事端亦古昔耕者讓畔之義除咨復張曜並咨明文麟明春外謹附片陳明伏乞

聖鑒訓示施行

同治十三年十月初三日

附額勒和布多布沁扎木楚杜嘎爾摺

十二月十六日承准軍機大臣字寄同治十三年十一月十四日

奉

上諭左宗棠奏籌畫移設糧台辦理採糧轉運事宜各摺片等因欽此遵

旨寄信前來奴才等查烏里雅蘇台地勢寒苦素不產糧所有換防官兵應需口糧向由科布多十屯征收解交烏城近因收成歉薄久經停解每年皆係派員赴歸化城採買以供本城兵費因經費支绌不得不量入爲出是以並無餘存至口北糧台前解景廉軍營糧石早經掃數運至科城烏城並無芥蒂惟查有遺失標記之糧二千三百九十九袋半盡係同治九年間積滯阿爾泰軍台之糧暴露沙漠將及三年半耗於鼠偷雀啄半腐於雨漏風侵奴才額勒和布前在察哈爾都統任內奏明發價僱駝轉運始行運解到烏霉變朽蠹大半不堪食用今春防剿官兵口糧因察哈爾去冬商駝鮮少招僱不易未能如期報解經前署將軍常順將此項米石通融借放各營一千一百十九袋檢查現存米石僅止一千

二百八十袋半此烏城積存糧石之實在數目也至喀爾喀各盟雖係產駝之區惟是連年災祲兼被賊擾及供應台站差徭遺失倒斃不可勝數加以景廉金順榮全英廉等疊次採買搜羅殆盡前奉寄諭購辦西征糧台轉運駝隻經^欽杜嘎爾等飭令喀爾喀圖什業圖汗等回盟分買健駝四千隻務於年內買齊去後現屆年終車臣汗等三盟尙未呈覆僅據圖盟詳報困苦景況駝隻缺乏無從購買各等情經^欽等以西征糧台需駝挽運刻不容緩無論如何爲難務須竭力採辦毋庸藉詞推諉等因札覆該盟在案惟此項駝隻究竟能否採買足數之處刻下尙難預定此烏城駝難購辦之實在情形也所有遵

旨查明覆奏緣由謹恭摺由驛馳陳伏乞

聖鑒

同治十三年十一月十四日

覆陳移設糧臺事宜摺

竊^臣承准軍機大臣字寄同治十三年十二月十四日奉

上諭袁保恒奏擇定西征糧臺進駐巴里坤摺據稱烏里雅蘇臺科布多兩處設立糧臺均不相宜惟巴里坤爲南北適中之地且緊接大軍之後擬將糧台移設巴城等語糧台轉運事宜關係甚重應否駐巴里坤之處著左宗棠袁保恒和袁商榷奏明辦理移台之後其餉項一切仍由陝甘內地行走必須陝省後路糧臺催提轉解以資接濟左宗棠務當督飭地方各官認真經理毋得稍分畛域致悞事機袁保恒奏稱糧台移設後須撥兵護運並請於舊部皖軍中商調數營此時皖軍能否調撥並著左宗棠能否將應撤之營酌撥馬步若干著該大臣酌度情形與袁保恒會商妥辦張曜宋慶兩軍現在天山南路該軍糧運卽由左宗棠先爲接濟俟移台後應如何統籌兼顧並著左宗棠袁保恒商辦毋誤軍食金順已抵巴城卽著趕緊部署迅速西進金順到古後景廉卽與該都統將進剿機宜妥爲籌辦以期迅掃逆氛將此由六百里各諭令知之欽此竊維糧臺之設原以支應糧餉軍需俾前敵各

軍得壹意馳驅無須分心儲峙其必緊居大軍之後者勢所當然
巴里坤距台軍駐紮之古城濟木薩等處爲程七百餘里車駝暢
行無阻台設巴里坤照料易周各軍赴台領運取攜甚便回亂以
來城垣完好如常舊爲北路商賈輻輳之所百貨萃集市廛鱗次
今昔無殊袁保恒稱糧台宜移設巴城是矣惟巴城產糧無多從
前天時地利人和三廠屯田日久荒廢從新經理屯政暫無近功
經理如不得人更滋虛耗金順上年在此採辦軍糧民商分購僅
得七千餘石其明徵也原奏北路應兼收烏科一帶新舊之糧
者以此袁保恒所稱移台巴里坤先買古濟之糧次則仍由南路
調運臣思古濟之糧景廉已經訂買巴里坤之糧金順已經訂買
其額爾慶額所買之糧臣已發過價銀暫毋須由台支發若訂買
古城濟木薩之糧運回巴里坤無論古濟之糧未必尙敷訂買且
亦無此辦法也南路涼甘肅安西新訂之糧十九萬石不爲不多
因乏現銀收繳尙欠五萬餘石除供張曜宋慶兩軍及金順留安

西肅州數營外涼甘肅州所有防城護運兵勇馬步各營皆取給於此算至見新時縱有存餘必無多矣若復加價訂買則已訂之五萬餘石更難收齊且貧戶無糧出糶者買食維艱青黃不接時無從設措上年於散給籽種外郡縣復廣設粥廠煮賑療飢洵非得已價愈增則富者之欲未厭而貧者之苦愈甚揆之事理實不可行且新糧訂買已多民間搜括殆遍本屬實在情形袁保恒所奏以南路調運爲未著自有所見古濟之糧既已採過涼甘肅之糧又難議增然則台移巴里坤其必仍於北路廣籌採運也明矣烏里雅蘇台科布多一帶糧多可採袁保恒自當盡心籌之近又廣加諮詢知歸化包頭至射台大巴一帶十數站大巴至巴里坤十六站中間產糧之處甚多其地雖無台站無一定地名然舊時商旅之赴巴古烏魯木齊者每取道於此以其有糧可購有駝可僱價均平減也湖茶私販由此路至古城銷售經歷任督印奏明有案近日臣礮隊總兵鄧增隨金順到巴里坤稟稱巴城商賈絡

繹不絕棉價布價糧價與內地相近皆言由烏科一帶來者卽指此路觀其市價平減知其路徑之捷價腳之省景廉前與金順書稱包頭運糧實亦不少非虛語也臣檄歸綏道崇縉詢訪確實具報一面委員攜銀二萬兩往歸化包頭試辦採買應否加銀增採容遲再議惟袁保恒所奏移台巴城雖以調運烏科之糧爲言以調運南路爲末著而注意仍在肅州現在趕製大車以購車驥三千頭駿駿西向其勢已成事難中止姑無論天山嶺脊石徑攀礪一向無轍迹重載糧車聯幫銜接較之單車空車尙可參用人力從容過險者艱阻特甚事必不行也卽照袁保恒所擬辦法言之車糧由肅運巴艱阻所不辭勞費所不惜而肅運之糧亦無顆粒可到巴城按肅州安西越哈密二十四站計程雖止二千二百餘里而道路綿長又多戈壁車駝駄隻均須就水草柴薪之便憩息牧飲不能按站而行中間人畜疲乏又須停住養息卽催趨迫促斷非三十餘日不能到巴計每驥一頭日須噸料八觔一車一夫口

食日須兩觔蘭州以西料豆缺產喂養用青稞大麥粟穀等充之
畜食之料卽人食之料也車行三十餘日計一車運載之糧至多
不過六百觔兩驥喂養卽耗去五百數十觔車夫口食亦須六七
十觔而車糧亦罄安有餘糧達巴里坤乎卽達巴里坤而車驥之
喂養車夫之口食又將安出此不謂之虛糜不得也大抵西北轉
運以駝隻爲宜爲其食少運重又能過險也駝行口內食糧不過
三觔晝夜行可省草束且一夫管轄五駝日需口食又省若行
口外則食草不食料如遇勞乏但喂養一升加鹽少許仍卽復故
惟駝夫宜擇其老實勤快管夫之人宜擇其耐勞善於體恤者雖
不歇厥亦少倒斃之患故關內外諸軍均使駝而不使車統領營
官之能者常留心照料不盡委之廝養小卒也袁保恒初議移台
車即詳告以宜駝不宜車關內之用駝驥可多車驥宜少天山無
車路關內之糧難逾天山及購駝不如僱駝辦官車不如用民車
已辦之車只可酌改州縣之台車以省喂養而迄不見察臣無如

何現在製造車輛已成採買驛驛已到而始籌及喂養維艱意欲
仍駐肅州辦理車運並奏陳西路用兵糧台均設肅州而引岳鍾
琪曾用兵車糧車黃廷桂分車駝北過天山爲證不知岳鍾琪之
用兵車後此曾否停止其過天山或係令士卒下車推挽以資輕
便均無從詳考至糧車則岳鍾琪於後起運至玉門布囊吉時咨
止前進而由巴里坤派餘丁三千幫協轉運謂可省車駝之煩並
以節費當時原有紀錄黃廷桂於用兵回部時以車駝駐哈密一
半赴北路巴里坤裝糧運庫車一半徑由哈密運南路吐魯番時
當重熙累治物產豐盈而岳鍾琪由南路進兵巴里坤始用糧車
繼復停止至派餘丁三千轉運藉以省煩節費其因天山非車路
可知黃廷桂用車驛一半往北路裝糧運庫車重載返時不逾天
山其一半徑由哈密運吐魯番則本是向天山西南行更不近天
山也袁保恒預存想當然之見求成必不行之事竟至牽強往述
傳會其說臣實有所未喻也竊維從前西路用兵

列聖之派大員赴肅州哈密辦糧台轉運前敵軍食者均以集協
餉調車駄駝隻爲事至糧料草束一切承辦之員必視前敵軍行
所至擇路之捷費之省者妥慎籌維務得其當道光六年討張格
爾官軍由北路向南路之阿克蘇

宣宗特頒手諭十條

聖懷以肅州嘉峪關距阿克蘇五千餘里哈密總設糧台鞭長莫
及

飭運烏魯木齊所積屯糧赴阿克蘇並於伊犁採買省內地轉輸
大半又以內地軍械火藥由南路吐魯番至庫車途多戈壁

飭改由北路逾冰嶺轉阿克蘇程途相等細繹

疊降諭旨於師行南路時猶以運北路之糧省關內轉輸爲宜然
則師行北路不應由南路辦運也明矣臣愚謹就現在已成局勢
言之袁保恒移台之先必將烏科及各處糧路運路周密諮詢精
心擇度以所購之駝運北路之糧以次達巴里坤迨巴里坤收有

成數袁保恒徑赴巴城設立糧台一面仍運北路之糧一面用駝
南來裝運南路肅局之糧屆時距秋糧之期不遠採糧較易可冀
集事較之駐肅轉運巴里坤重車不能過險軍餉無可繳納勞費
過鉅終歸無濟者大不侔也其已辦車驛虛耗喂養殊為可惜擬
以有驛無車者分撥蘭州東路抵臺車之用或加撥涼甘安肅各
處備臺車添套及補里車放忙之缺容日與袁保恒商定再由袁
保恒自行陳奏至關外諸軍需用軍裝軍火向係自行製購入陝
後由西征糧台駐陝軍需局發傳牌到蘭州由督署發傳牌飭沿
途州縣隨時派台車民車運送價由各軍押運委員自發相安已
久從無違誤查諸軍軍裝軍火所習所用各有攸宜色目既殊多
寡之數緩急之需亦異毋庸由糧台備為備辦其子藥等項日已
設局肅城各統領遇有缺乏均可隨時借領將來另款開報為數
無多自無須添設款目袁保恒原奏糧台移設須撥兵護運請於
舊部商調數管奉

諭左宗棠能否將應撤之營酌撥馬步若干著酌定情形與袁保恒會商妥辦竊經臣軍於上年撤遣馬步四十營後又撤去奇捷等營馬步勇夫約共千名現僅存一百四十一營須俟洋款借到再酌其應撤之營久役思歸是否願赴關外無從懸擬查巴里坤原有領隊大臣及勇兵駐扎臣近因鎮標急須整理奏委記名提督王鳳鳴署理鎮篆已飭隨帶餉銀六千兩先赴署任切實汰淘募補酌給月餉冀可改觀臺移同城自可資其照料糧臺所應有者護臺兵勇夫役爲數不必過多設臺以後前敵諸軍餉需一切均可赴糧台請領毋須由臺運解毋須弁兵押護哈密現有張曜全軍駐紮安西肅州甘州涼州蘭州平涼以至陝西節節駐有防營原因巡緝遊匪兼護運而設袁保恒隨時咨行護運斷無違誤毋庸調撥馬步致涉虛糜移設糧台原爲接濟前敵各軍起見糧台專司轉運不必參預軍務且現在台尚未移籌糧籌運茫無頭緒豈可預議增調馬步各營疊重其累臣拜摺後當卽鈔錄摺稿

咨知袁保恒如有不合彼此無妨辨駁以衷一是俟議論悉合意見均融當再會銜具

奏所有移台轉運事宜及現在確實情形謹一併詳細陳明伏乞

聖鑒訓示施行

光緒元年二月廿三日

附景廉摺

竊十二月初三承准軍機大臣字寄奉

上諭左宗棠奏辦理出關諸軍餉數及糧運情形等因欽此前因哈密巴里坤古城濟木薩等處皆係兵燹之餘戶口凋敝土地半皆荒蕪古濟招集流民數僅百戶產糧不敷需用官屯牛具缺乏播種無幾一切艱窘情形久在

聖明洞鑒之中是以茲屢次

奏請倣照成案由甘涼一帶運糧並於關外安設糧臺不第接濟金順各營且爲張躍宋慶兩軍續進之地茲左宗棠奏稱茲已爲金順訂買糧二萬餘石足供金順全軍數月之食擬請將關內運

糧停止等語奴才不勝駭異悚惶伏思奴才渥受

聖恩膺茲重寄凡有奏報俱係實在情形不敢稍涉欺飾如果古濟一帶糧石易於採買且又爲金順訂買如此之多奴才具有天良何敢不隨時

奏明而仍以關內運糧屢演

宸聽查金順委員在古城曾經自行採買糧七千餘石已收入倉者僅四千餘石其餘催收尙覺喫力奴才並無代訂糧石之事緣古濟戶民只有此數產糧亦只此數以二萬餘石之糧豈能咄嗟立辦况該處買糧皆係現銀奴才軍餉十分支絀自顧軍食尙且不暇該糧二萬餘石需銀十萬餘兩一時何能有此鉅款嗣查左宗棠原奏稱係額爾慶額桂錫楨等稟報無論所稟代訂糧石一事失實卽所稱糧價亦與奴才數年以來買糧價值不符當卽查詢額爾慶額旋據覆稱本副都統查詢總兵桂錫楨所遞左大臣原稟內稱所買糧二萬餘石係詢問各糧台委員及地方官所言由巴里

坤西至江土板灘等處統計非指古濟而言並無已爲金順訂買糧二萬餘石之語副都統曾准左大臣諮詢糧料情形卽以桂錫楨所查各情約畧復之並謂口外今年收成歉薄不及去秋豐稔每石小麥計重三百餘觔定價四兩三錢如趁秋麥登場得有現銀極力搜買又須交納齊全或可稍供軍食若料豆則顆粒維艱雖有現銀無處購買亦無爲金順訂定二萬餘石之語等因並據桂錫楨鈔錄原稟呈送前來^欽檢閱桂錫楨原稟皆係約略揣度之詞毫無實據且係合巴里坤沙山等處而言又將該軍食用過糧石核算在內其不足憑信已可概見額爾慶額來咨所稱該副都統及桂錫楨均無呈報^欽爲金順訂買二萬餘石之語詞意含混是否失實殊難揣測第思左宗棠爲朝廷大臣旣經具疏入

告必非無因特恐該副都統等冒昧具報此時意存掩飾事未可知^欽已調取該副都統咨覆左宗棠原稿俟咨送到日再爲行查

左宗棠以昭核實至古濟地方情形均係共見共聞伏懇

聖明俯賜查訪如奏有爲金順訂買糧二萬餘石之事請卽治奏

以欺罔之罪又左宗棠原奏內稱烏科採買糧石運至古城一石計重三百餘觔較由涼州運安西計重百觔之腳價已少三分之二况由安西逾哈密每擔又加運脚過倍等語奏伏查烏里雅蘇台乃不毛之地素不產糧該處換防官兵口食皆由歸化運解科城地方尙能種植青裸然僅數該城換防官兵一二三百人口食之需去歲該城添練民兵曾兩次借過奏軍營轉運糧一千石此卽無糧之明證豈復有餘糧轉解古城奏前

奏原由口北歸綏兩道在關內探運非由烏科兩城採買嗣因道路遙遠無長駝運送軍台駝隻不敷應用積壓一年有餘運送到營者僅十分之一兼之轉運軍火差役往返絡繹不絕不免擾累蒙古無以仰體

皇上撫綏外藩之意是以於奉

旨飭查後卽

奏明停止請由甘肅運解該督謂由烏科兩城採買是於此事尙未深悉顛末也刻下金順所部駐紮巴里坤只購買糧三千餘石辦理甚爲棘手並聞該城糧價長至十餘兩猶無處糴買街市間有餓殍古濟雖較巴城稍優而新復之區汙萊甫闢以數百戶之流民種植產糧能有幾何近來大軍漸集商賈接踵而至食衆生寡其涸可待况歲時豐歉不能逆料邊塞沙磧之地四無鄰封一經匱乏呼籲無門設土卒因飢謹潰其害何可勝言至於屯田以濟軍食自係行軍要訣奈征兵與防兵不同用力不能專一牛具又難猝辦奴才昨接金順來函據稱現在赴北路採辦牛隻並稱該軍善於農事者甚少請由奴才處借給熟悉種田之人以資教習等語宋慶雖派員在哈密五堡地方墾種屯田明歲收成亦難預定是欲積屯田以贍軍食非二三年不能奏功實屬緩不濟急總之師行糧食最爲急務而尤以寬爲籌畫預爲規畫內地且然無論

塞外金順所部駐紮於肅州安西者尙有十餘營若不全赴前敵將來進取烏垣兵力斷不敷用且以有用之兵置之後路無用之地亦殊可惜而已里坤古濟情形如此艱窘勢又不能邀集焦灼徒深愚昧之見總期聚精會神一鼓作氣滅此朝食庶可仰副高厚故通盤籌畫請由關內運糧接濟以免老師糜餉日久無功若謀同築舍月羈歲淹使釜魚阱獸久稽

天討身罹重譴固不足惜將何以恢疆域而警外夷至張曜宋慶兩軍口糧等項已奉

旨由左宗棠辦理該軍出關後自尙無虞枵腹第該督前次奏稱軍糧只能運送哈密是該軍亦只能駐紮哈密一踰天山即無糧運矧西至古城又千餘里查張曜宋慶兩軍既奉

旨出關征剿或北至古城與^各合兵進取或由南路進攻吐魯番斷無久駐哈密之理若糧運只及哈密則該軍勢不能前進株守後路又何用此重兵虛糜餉項爲哉^各與左宗棠金順同膺重寄

理宜和衷共濟仰舒

皇上西顧之憂斷不敢固執已見自蹈愆尤第欵欵既仰承
簡命督辦新疆軍務自應統籌全局以期無誤戎機故不得不直
陳於

聖主之前合無仰懇

皇上乾綱獨斷仍飭左宗棠將後路糧運台站查照成案妥爲籌
畫不得意存諉諭欵仍隨時體察情形如果二三年內屯田採買
日有起色足資軍食卽當


奏明停止轉運以節經費而舒民力除由欵再行兩致左宗棠金
順妥爲籌商外所有接奉寄

諭旨奏緣由理合由台六百里馳陳伏乞

聖覽訓示施行

欵無任激切屏營之至

光緒元年正月二十五日



新疆圖志卷九十三

奏議三

內閣 左宗棠二

遵 旨督辦新疆軍務敬陳籌畫情形摺

請 簡派大臣幫辦陝甘軍務摺

軍餉支绌請速籌解濟摺

關外新疆軍餉請仍歸戶部核撥摺

請各省勻濟餉需片

請飭兩江迅解老湘全軍月餉片

請飭福建迅籌欠餉片

請飭劉典迅速赴甘摺

楊昌濬可資臂助片

暫借洋商巨款以資接濟摺

遵 旨督辦新疆軍務敬陳籌畫情形摺

竊臣於四月初八日承准軍機大臣字寄光緒元年三月二十八

日奉

上諭本日已有旨令左宗棠以欽差大臣督辦新疆軍務金順調補烏魯木齊都統仍幫辦軍務景廉調補正白旗漢軍都統回京供職景廉著俟金順行抵古城後將各營兵勇糧餉移金順接管再行起程回京新疆軍務孔殷必須速籌進兵節節掃蕩金順本有自帶各營益以景廉所部兵力已不單薄著卽督率各營親臨前敵相機進剿爲收復烏魯木齊計所有進兵機宜隨時會商左宗棠酌辦袁保恒已令回京供職西征糧台已諭左宗棠責成陝西藩司經理應行奏催及咨行各省事件呈由陝西巡撫覈辦關外轉運事宜卽在哈密巴里坤各處設立糧餉分局由左宗棠派員經管袁保恒將經手事件逐一交代清楚後起程回京見在關外兵事餉事并轉運事宜均歸左宗棠督辦蘭州相距爲遠鞭長莫及該大臣當統籌全局酌辦理關外軍食務當源源運濟以期士飽馬騰毋令停軍待哺宋慶一軍該大臣已咨令回紮潼關

本日亦諭知錢鼎銘商令該提督擇要駐紮矣等因欽此蹤聯之下悚惕實深竊維新疆之事從前因兵力餉事未能兼顧遂至叛回構變強敵負邊土宇人民不可覆按於此而欲力圖恢復挈二萬里戎索之舊還之職方戢萬千族殊俗之民漸以聲教正值寰區甫靖財力久殫內患雖平民勞未艾其難誠有倍於拓疆之始者當庸朽菲才又值衰疾侵尋志慮鈍竭何敢不自忖量謬以自承顧念臣子之義厥重匪躬疆場攸司責無他諉自從戎伊始卽矢盡瘁馳驅豈頭白臨邊忽易初志謹將所籌情形爲我

皇上敬陳之一曰廣籌軍糧也師行北路宜用北路之糧不但節費亦免耗糧前疏已詳之南路肅局既有見糧又車駄駝隻購僱稍多可以灌運自宜嚴切督催以廣儲峙北局設於歸化分局設於包頭飭升用知府前署綏德直隸州知州陳瑞芝提督銜總兵肅兆元司之僱民駝轉運計自三月至五月據報陸續運過四十餘萬觔至巴里坤每百觔牽合銀八兩內外袁保恒前奏甯夏

採運臣飭署甯夏鎮總兵記名提督譚拔翠甯夏府知府李宗賓接辦見據報已雇駝數百先由察罕廟試行如果此路通利再爲加辦察看漠北素產健駝又便水草惜久未開運倉卒應募者少又駝戶每以拉差爲苦疑沮不前臣見飭巴里坤鎮鎮迪道嚴行示禁冀聞風踵至運道暢行庶餉饋可通亦收節省之益正辦理間適俄國游歷官索思福諾斯齊等到蘭與之談論近事索思福諾斯齊自稱俄國在山諾爾地方產糧甚多駝隻亦健距中國古城地方不遠如中國需用糧食伊可代辦送至古城交收由俄起運須護運兵弁均由在山諾爾派擬其兵費一併攢入糧脚價內每百觔需銀七兩五錢如年豐糧多駝腳不貴則價尙可減也比卽與定議書立合約計年內可運古城糧二百萬觔明年夏可運足三百萬觔索思福諾斯齊已專兵八瓦勞伏前往告知其地巡撫據稱斷不致悞臣見委知府銜甘肅候補同知丁鶚等赴巴里坤又委布政使銜甘肅即補道陶兆熊等赴古城辦理採糧開墾

及收支事宜此北路籌糧情形也南路肅局存見糧三萬餘石安西局存見糧一百數十萬觔哈密局除張曜各營外存見糧一百三十萬觔見正趕緊灌運張曜在哈密辦屯墾水利事必躬親不惜勞瘁據報墾荒地一萬九千餘畝可獲糧數千石見據甘涼肅各廳州縣稟報今歲夏雨優渥冀獲豐稔將來新疆市價有減無增車駝之受僱者亦日多一日轉運較從前稍易此南路籌糧情形也^五因歸化包頭採運巴里坤較涼甘肅採運巴里坤腳價大減而糧則實裝實卸別無虛耗故決計於北路開一運道陸續撥兌寶銀已四十餘萬兩甯夏已發銀三萬兩計秋高駝集運數可增南路由甘運肅由肅運安西均用車駝由安西運哈密運巴里坤均用駝隻節設廠局溶水泉刈草薪以利運道一切經費統於現辦採運項下開支計輶輶轉般運數可倍此合南北兩路運籌城數百里俄人代爲採運二百萬觔送古城路程較近實屬獲之

意外計需銀十五萬兩此於北路之北籌古城之糧也就目前局勢籌應前敵急需事之所得爲者祇此歷代之論邊防莫不以開屯爲首務或辦之用兵之時以省轉饋或辦之事定之後以規久遠要之得人則有益軍儲不得其人則虛糜經費且西北治地開荒尤資水利就溝灌水障之令深引渠灌田灑之令普旣需人工尤資器具而哈密土質善滲土工石工外別有毛毡包裹之工爲他處所罕旣須多籌器具又需廣備毡條開墾之先所費既巨臣於張曜由安西進屯哈密時已津貼過運脚等銀五萬餘兩購辦毡條價腳銀約九萬一千餘兩張曜躬率所部殫力經營而後得著成效計以後踵而行之因此奧區保綏戎藩而成數十百年無窮之利見復經畫巴里坤收召饑兵一千三百餘名每月給餉銀三千兩配以矛桿鎗礮子藥俾其復成勁旅復委甘肅同知丁鶴等勸辦屯墾事務兼收包歸甯夏所解軍糧惟巴里坤地當天山頂畔氣候凝寒舊設天時地利人和等厥久已荒廢屯務雖興暫

尙難供客軍坐食也由巴城而西北七站地勢沃衍天氣漸和由此而古城迤西一帶更稱膏腴上壤景廉所辦公屯私屯外餘荒甚多若民兵盡力耕墾不虞乏食見委布政使銜甘肅補用道陶兆熊揀帶員弁前赴古城驗收俄人代辦軍糧支發價腳一面察看古城一帶情形經畫屯墾事宜隨時馳稟核奪此籌哈密巴里坤古城糧運屯墾情形也一曰兵事宜早爲整理也西事稽延至今未睹成效由於冗食多而戰士少耳旗綠諸營久不足額就近各省無勁兵應調於是取土著兵民及各處就食兵民授地耕墾一備軍食一備戰守無事則驅其盡力隴畝有事則調其效命鋒鏑謂之且耕且戰事非不勞謂之卽兵卽農名非不美然調赴期會則彼此觀望數日不能取齊麾令前驅則勇怯雜糅氣勢不能完整其何以戰且旣挂名武籍又令其從事耕耘譬猶左手畫圓右手畫方兩者相兼必致一無所就是且戰之兵不能戰且耕之兵不暇耕也茲宜劃兵農爲二擇其精壯有膽之兵宜馬者馬

宜步者步束以管制一如內地軍營其曾著戰績如徐學功輩用之爲管帶爲督帶其才能辦事如孔才輩用之爲幫辦凡督帶管帶以及所部哨官什長酌給薪水辦公銀兩散人給餉與糧按照客軍管制減給其愿弱不任戰者散之爲農按照戶口指餘荒地畝令其承墾由官酌給籽種豐器耕牛收獲後繳本歸倉外不取息其所獲糧石由官照時價收買庶簡其精壯管伍可得而實散其愿弱屯墾可得而增兩利之道也關外各城所駐大臣有辦事領隊幫辦之分所駐之兵有錫伯索倫達呼爾察哈爾蒙古厄魯特沙畢納爾及綠營攜眷兵換防番戍兵之分亂後舊制不可復按而辦事幫辦領隊大臣於本營存兵外兼帶馬步各營各請專餉所稱馬隊步隊既罕能戰之兵而辦事幫辦領隊各員又非盡知兵之選徒糜餉糧無濟實用都統及各大臣因廩產餉未極其豐增籠更形其絀力主畫地自封閉關謝客之議以護官私屯糧不顧兵事利鈍金順進駐古城張曜進屯哈密退回不前而後隊

尙速遣原防者以此見在巴里坤古城已辦採運哈密已開營屯
金順張曜兩軍留後之隊應卽陸續開拔兵力既增則屯丁可減
竊維此時必分別兵農責兵以戰課農以耕而後餉事可節兵事
可精也哈密巴里坤古城所駐各大臣就現在所存旗兵核定糧
餉如缺額過多准照舊額馬步就地挑募丁壯補數但責其保守
城墮不必責以戰事脫屯丁伍籍散之歸農則盡力隴畝民樂耕
其野而官屯私屯地畝收獲餘糧准照時價發糶民益得其饒不
但分駐各軍可資接濟卽調發續進馬步沿途就地採購毋期裹
糧以趨於兵事更覺順利較之見在辦法兵農兩荒不猶愈乎如
蒙

聖明鑒允應請

飭下金順文麟遵照辦理庶於時局有裨此籌整理哈密巴里坤
古城兵事實在情形也

諭旨關外兵事餉事並轉運事宜均責臣督辦而蘭州距前敵數

千里餉糧轉運雖可總其成至忝預戎機則調度指麾不能發當其可自當簡率大軍親駐肅州相機辦理惟師行糧隨事豫則立當此新穀未升駝隻歇廠轉運難期暢旺之時不先將前敵各軍食糧灌運充裕催其留後各營陸續開行而遠大軍進發致占前敵軍食向後彼此兼顧更費周章督臣兼司關隘轉境遼濶移節肅州距關內腹地太遠又苦鞭長莫及調集各軍所遣管坐均是扼要地方非權其緩急移撥填紮於建威銷萌之計亦形疏略見在一面督飭西路各局於駝隻起廠之前趕催車駝層遞灌運一至八月卽調新駝分駐安西哈密各處分段層遞轉輸而調回車駝搬運新糧一灌運安西糧局一運供臣部軍食庶期會從容畜力舒展於事均便一面調集各路將領商議出關隨征留後防守各事宜及移營分堵一切務臻周安之進肅州未能求速者此也至累廉所奏關內運糧至古城應以十萬石爲度以勦重則三千餘萬觔非竭四五年之力不能辦到金順城開所有會衝城鎮

全未與聞所需軍糧合留後十餘營并計每年以市斗二萬石爲度尙只六百萬觔然此皆金順未調補烏魯木齊都統以前就彼時局勢言之也合併聲明所有籌辦糧運兵事謹據實陳

奏伏乞

聖鑒訓示施行

光緒元年六月二十八日

請 簡派大員幫辦陝甘軍務摺

竊臣自蒙

恩調陝甘總督時已苦衰病侵尋於委頓之餘強自克勵支持至今又已八載當茲邊陲有事之秋非臣子言病之日茲復承

恩命督辦新疆軍務負荷更重彌切悚惶初擬本任事繁責重應

顧恐

天恩別簡實任人員以資鎮撫又慮嗣事之人或因未悉底蘊或因意見參差致多抵牾茲出塞遠征兵事必以關隴爲根本一有間隔則局勢立行滯礙貽誤戎機而所事又未能預計歲月師

行又未能預計遠近若非慎圖於始何能壹意魄張無憂後顧此私懷所不能釋然者也。所部將士雖兼收并採不專一省一路之人而自咸豐十年從戎以來藉故鄉子弟之力至今揀閱伍精湖湘之產居多使嗣事之人非所素習則留後各軍營未能適然無疑指揮或難得力甘肅雖大局已定四境晏然回番善詐多疑本其常態非善爲撫馭亦恐措置失當事變旋生所以不敢遽請簡放實任者以此伏見前署陝西撫^臣三品卿銜二品頂戴劉典於^臣在籍練軍時卽總理^臣軍營務厥後轉戰江皖浙閩廣東幫辦陝甘軍務獨當一面之日恒多其署陝西巡撫肅清全省功績昭彰所定陝西里差章程與情翕然猶存遺愛嗣因母老多病告養乞歸蒙

恩開其署缺劉典悉

矜全之恩山居五年晨夕侍養然心念隴事艱難^臣衰老多病歲時書問於軍事外代籌調攝之宜每遇假歸將士詳詢近事欣戚

同之近聞臣夙恙未愈新增咯血轉筋健忘之證時爲流涕聞其母蕭氏幸健如常尙有三子侍養在籍劉典暫離子舍似非不可伏懇

天恩飭令劉典速赴蘭州幫辦陝甘軍務本無路而駕輕車外可孚民望內足協軍情於時局必有裨益而臣獲同心之助兵餉兩事無虞掣肘免致分心俾得畢其愚忱用之前敵則尤幸甚也劉典本係親老告養人員羈以職守非其心之所安惟該員前以三品卿銜二品頂戴著陝西巡撫本無底缺可否仰懇

天恩以三品京卿候補幫辦陝甘軍務之處出自

聖裁此外尙有二品頂戴開復山西臬司陳湜一員本有用之才於甘肅地方軍務情形尤爲熟悉前以修墓告假回籍尙未來蘭已誠催迅速前來謹一併聲明伏乞

聖鑒訓示施行

軍機大臣字寄光
緒元年七月初九日奉

上諭左宗棠奏籌畫新疆軍務情形一摺新疆地方從前因兵力
餉事未能兼顧以致久稽規復見在關內肅清正宜乘此事機力
圖大舉綏靖邊疆左宗棠此次所陳籌辦糧運兵事有條不紊頗
合機宜南北路分籌採運著該大臣督飭委員等妥爲經理俄官
索思諾福斯齊到甘左宗棠與之商定由該國購糧運赴古城於
軍食亦有裨益開屯爲邊防要務全在得人而理據奏張曜進屯
哈密親率所部殲力經營已著成效該提督現未移軍務當實力
興辦以規久遠巴里坤古城一帶開墾事宜左宗棠見派員前往
察看並著該大臣悉心經營次第舉行西路各營兵勇不官耕戰
相兼該大臣所奏擇其精壯者束以營制如徐學功輩分別任用
其不能戰者散之爲農卽著左宗棠金順會商妥辦以實營伍而
增屯墾金順張曜兩軍留後之隊卽當開拔前進兵力旣增則屯
丁可減據稱哈密巴里坤古城所駐各大臣應就見在所有旗營
核定糧餉如缺額過多准照舊額馬步就近挑募丁壯補數但責

其保守城池不必責以戰事脫屯丁伍籍散之歸農官屯私屯地
畝收獲餘准照時價發糶各軍可資接濟兵事更覺順利等語著
金順文驛卽照該大臣所籌辦理左宗棠擬俟前敵軍糧運充
裕甘省防守各事布置周妥卽簡率大軍進紮肅州該大臣當安
遠區畫俾出關各軍整旆西進迅奏虜功朝廷有厚望焉左宗棠
所奏請派大員幫辦等語已明降諭旨將劉典以三品京堂候補
幫辦陝甘軍務並諭王文韶催令劉典陳湜迅赴該大臣軍營矣
將此由六百里諭知左宗棠金順文驛並傳諭張曜知之欽此

軍餉支納請速籌解濟摺

竊經照軍餉項專恃各省協濟而協濟之款尤以添撥釐金爲大
宗查本年收欵截至六月據西征糧臺月報各處文報約收各關
協餉一百四十餘萬兩內除袁保恒奏撥出關糧運的餉暨抵解
部撥款內劃收過銀五十四萬兩由袁保恒另案報銷外實
收協餉銀八十餘萬兩上年籌借洋欵三百萬兩分四批提

標

陸續劃還上冬今春渥鄂陝省先後籌借商款本利銀一百二十
餘萬兩外實收銀一百七十數萬兩又收袁保恒移交糧台現銀
三十三萬數千兩收歸綏烏城剩存購駝銀十九萬餘兩共收實
銀三百餘萬兩此六月底以前餉項入款實數也至軍餉出款以
鹽菜乾銀爲大宗近因籌辦關外軍糧南北數路轉運騰挪巨款
儘先兌撥半年以來通計出款已一百三十餘萬兩幾占入款之
半此外遣撤裁併陝西固原提臣所部及五軍宗岳營務果字等
營與零星裁併改兵約撤馬步勇士長夫三千餘名共發過實餉
二十五萬餘兩哈密及肅鎮各營屬州縣屯墾水利經費銀約十
四萬餘兩摺發文麟明春軍餉糧價銀一萬四千六百餘兩現因
籌備出塞之師除留防各營外又陸續增挑馬步十餘營合共百
三十餘營遣赴前敵者需酌給足餉分防各路者需照舊發給鹽
菜糧價馬乾公費與夫軍裝軍火車駝什物採製之費關外台站
整頓修復之費及州縣津貼一切雜支由四隨時核實通融酌濟

共支發實銀一百三十餘萬^伍 前擬洋款借到後將東南各路防營再加裁併減汰軍裝軍火津貼轉運諸費可減者均擬酌量核刪省內地經費匀濟關外乃粵海關票抵借之百萬兩前因部文有能否減借省息之商往返咨查羈延累月不獲大批逕解而奉旨督辦新疆軍務所需軍裝軍火等項不但不能省節並須從新增廣製辦以故應需各欵未能及時清理即如穆圖善所部本擬全撤而終以陋項無出僅擬先撤四營有零尚未定也 適

旨督辦新疆軍務自宜合關內外全局統籌就此情形而言徵獨西路北路邊防及撫回各處防軍未可輕議裁減即已經減撤者一經另有調派或地方緊要應酌量抽撥添募填槓或應撤勇添兵以期周妥內地存留各營既不能再擬裁減而檄調出塞馬步各營歲役遲遠未可適計應切實整理調集各隊勤加演習以期精而又精收寡可敵衆實效各該營所需添買驃駝馬匹皮棉衣褲籠鍋皮碗口袋等物應預備棚帳旗帳號褂應更換軍械火器

火藥應增籌軍行糧餉軍需各項轉運採製津貼各項應寬爲籌備餉需較前有增無減者勢也軍行糧隨須趁新糧登場駝隻起廠多撥經費分飭加緊籌採籌運方免臨時周章現除北路歸包總分各局撥款稍多可從緩撥解此外甯夏一路據該局員稟報由定遠營取道察罕廟經喀爾喀邊境之巴尙圖索廟與歸包糧駝會合徑趨巴里坤較歸化起運約近數站業於七月初一日試運頭批已飭儘多添顧趕運惟試運伊始大信未孚商情不無疑沮奏應加撥現銀俾應得腳價按批清給一而由_一頒發告示嚴禁巴里坤各軍拉差之弊庶可期其跡躍其北路之北古城巴里坤採運屯糧均應添解大批至南路關內採運除涼州勞費太重現擬停辦外其甘郡安肅各廳縣已據該管道員議詳共定採市斗夏秋糧十二萬二千石飭遵照上年舊章頒發期票搭發稍資騰挪而商民車駝腳價按斤按里計算運糧多則腳銀之多因之而增約略計算南路關內採運每月非得現銀二十萬兩不敷

支發此現籌新疆南北各路糧運價脚應出之款也此外出款則
仍以現存馬步各路土勇營兵正餉與夫軍需採製轉運腳費薪
糧津貼各款爲大宗臣前於本年三月間據實陳奏每年共需實
餉六百數十萬兩外增出關採運出款二百餘萬兩以每年實到
協餉五百萬兩劃抵出款八百餘萬已不敷實銀三百餘萬兩今
則新疆兵餉糧運各事宜一切責臣督辦局勢更寬就現辦情形
言之非獨糧運一事斷非上屆二百餘萬兩實銀所能敷衍卽見
存馬步軍需正餉仍非六百數十萬兩不能支持其裁併後積欠
勇夫七百餘萬兩正餉之數又欠未發卹賞銀三十餘萬兩均須
陸續發給實銀不能空言抵塞今年春夏協餉所入不及百萬兩
所以能勉強勻劑者全賴奏借洋餉鉅欵三四等月提銀以後所
有蘇浙粵三省協餉每年連息共應劃解銀一百二十三萬餘兩
清還借項是常年協餉入欵近五百萬兩內又短去銀一百二十
二萬兩矣出入兩抵前奏每年不敷銀三百餘萬兩者今實不敷

銀四百數十萬兩此通籌餉項入出兩抵不敷之實在數目也奏借洋餉隨到隨罄應解協餉盼切成空部撥景廉庫欵三十萬兩改解軍已咨照陝撫派員赴部請領而金順已緘牘頻催并屬先行挪款墊解將來斷難藉此爲通融周轉之資此外後路報解協餉僅只十數萬待撥之款陳欠相因源涸流窮時深廩廩如果各省關積欠廿餉能如上年議移台經費奏案提解積欠之半應解協餉仍按月如數籌撥其部撥出關糧運的餉百二十萬兩又各省關抵解部庫銀八十萬兩除袁保恒經收銀五十四萬兩外短解銀四十六萬兩均能儘先籌解俾清界限而應急需庶各路開辦採運不至停運待銀調派出關諸軍不至停兵待餉乘現在南北各路開辦糧運漸有成效應調各軍檄令簡練整理漸有頭緒之時於協款解到時通融挹注尙可詳爲布置以赴戎機否則現辦諸事無項支銷待發諸軍無款散給而前進局勢難言矣鹽菜乾銀年終滿餉及准假勇夫不能照舊發給而後路局

勢難言矣迨事機已誤而後議補救之策所費益多求如目前局勢亦恐難得此尤當所日夜焦思而罔知攸措合無仰懇

天恩俯念邊塞軍務緊要餉源枯竭待用方殷

勅下戶部各省遍15速將部撥出關糧運專款內短解銀一百四十餘萬兩依限提解所有積欠甘餉二千六百一十餘萬兩分省分限指提若干應解協餉仍按月如數提解毋再延欠俾速戎機毋任惶悚待命之至伏乞

聖鑒訓示施行

光緒元年八月二十五日

軍機大臣奉

旨戶部速議具奏欽此

光緒元年十月初四日准戶部咨開本部遵

旨速議陝甘總督左

奏軍餉支絀請速籌解濟一摺應請

飭下各直隸省督撫將軍卽行查明上年由部提撥各款欠解若

于勒限一箇月內掃數清解福建省欠解西征協餉三百餘萬兩應卽遵

旨趕緊如數籌解其餘各省欠解西征協餉統限於一年內先行各提解一半應用其餘一半欠解之餉仍隨每月應解協餉陸續分解至各省關按月應解協餉自本年爲始月清月欵不准絲毫再有滯欠俾該督得以迅赴戎機免致貽誤等因具奏奉

旨依議欽此

關外新疆軍餉請仍歸戶部核撥摺

同治十三年十一月初五日准軍機大臣字寄十月二十一日奉上諭戶部奏出關各軍餉項暨新疆各城軍餉請統歸西征糧台經理一摺現在大軍出關相機進取前降旨派左宗棠督辦糧餉轉運一切事宜并令袁保恒幫辦所有出關各軍應需糧餉運費等項目應統歸左宗棠袁保恒斟酌緩急奏請審撥至新疆軍餉近年各城請撥頭緒紛繁殊不足以昭核實亦應由左宗棠等一

併經理嗣後出關各軍暨新疆各城請撥餉需均由該統兵各員及各城大臣咨照左宗棠袁保恒核明數目酌量奏撥不得紛紛自行奏請以歸畫一而專責成卽著左宗棠袁保恒景廉金順咨照該統兵各員及大臣一體遵照辦理左宗棠袁保恒務當通盤規畫酌盈劑虛核實籌撥毋任稍有匱乏原摺均著鈔給閱看欽此臣比恭錄咨照袁保恒由糧台咨行遵辦嗣於本年二月准戶部咨送同治十二二三等年奏撥新疆軍餉案由五六等月各城將軍都統大臣查開餉數源委先後咨報到臣比經逐股稽核誠如

諭旨頭緒紛繁殊不足以昭核實臣委督辦之任所有出關各軍新疆各城餉需責臣一併經理藉非格於勢限於地曷敢稍惜心力不卽綜核奏撥所以然者統兵出關大員如金順明春張曜暨景廉移交各軍各有專餉內除張曜嵩武一軍餉需向由河南撫臣解濟不歸西征糧台經理外其餘金順等軍協餉自袁保恒交

卸台務當經臣 剷飭接辦糧台司道一遵向章按月將各該軍收解積欠銀數分晰開單呈報陝西撫臣 核明

奏報移催各該軍原撥專餉此後有無增減應俟金順接收景廉移交核實汰遺添補足數按照實在馬步名額酌定歲需糧餉合明春所部名額餉需彙案咨報由臣 另行核

奏此時未能懸擬張曜全軍分駐哈密一帶除歷年掛支安肅哈密官局糧料由臣 作正開銷外所有開屯修渠應需耗條工具一切購製轉運腳價均由臣 訊付俾得殫力經營惟東山熟地向係繩回自種該軍新墾荒瘠灌水又遲故今歲收成較薄現據張曜呈報估計夏秋屯糧約得市斗毛糧四千數百石發碾收米約得淨糧八九十萬觔勉設該營兩個月軍食臣 前於四月間函致張曜請將屯糧開報歸公准照安西市價核銀散給兵勇俾償其勞現經咨照張曜一照原議開報領價一面趕趁秋間次第修濬放渠翻犁明年屯糧所入當可增多此外官私各屯尚可採買市斗

三千石應照市價收買不准勒抑短價如與文麟明春軍食有礙
卽作罷諭已由^臣分飭知照矣宋慶前遣總兵劉鳳清率步隊兩
營分屯哈密原與張曜所部同屬豫軍聲氣聯絡該軍調回潼關
後與張曜節制調遣意見符合該兩營正餉已由宋慶裁發至本
年十月底止嗣從十一月起由劉鳳清造齎花名餉冊歸^臣軍照
章支放屯墾經費屆時由^臣核撥作正開銷業准宋慶來咨覆之
並咨行張曜知照矣^臣現調集各軍汰遺添募製造糧運諸款並
由^臣隨時照量勻撥濟用將來彙案報銷此通籌出關各軍現在
糧餉轉運兼顧哈密屯墾實在情形也至於新疆各城所駐大臣
兵事餉事軍興以來舊制不可復按茲姑就近年部^臣奏撥之款
言之每月由直隸河南山西四省共撥銀七萬兩內除榮全
奏准每月劃提銀二千五百兩以一半解榮全勻撥伊犁塔爾巴
哈台以一半解烏城分撥烏魯木齊巴里坤哈密各城其分撥伊
犁塔城一半餉內咨報^臣軍有案者惟索倫官兵及額魯特察哈

爾人衆丁口二千八百名俸餉糧價每月劃分銀二千八百兩又分撥烏城一半餉內每月應劃分哈密辦事大臣一萬四千兩其餘銀兩該各城如何勻撥每城經費撥支若干滿綠各營實存官兵馬匹若干鹽糧馬價各需若干均未報臣有案核撥無從著手此外又有榮全專餉原協添撥每月共銀五萬兩塔城額魯特官兵俸餉各台駝價換防官鹽糧每月共銀一萬兩庫倫烏科各有專餉部臣指撥時有統解分撥之款有劃提撥抵之款有改撥摺撥指省解還之款有指提積欠坐扣之款各城奏撥前後異情各省撥解積欠異數往復咨查動經歲月核覆彌遲職是之故臣維綜核名實慎重財賦通盤規畫總司出入者部臣之職分也臣前奏設西征糧台專司臣軍協餉入款按月開單報部奏催咨提其於一切出款糧台並不干預亦有不能兼顧之勢也其各省關協濟景廉金順明春餉項則不盡由糧台經收山陝歸綏包頭等處各軍均設有轉運糧台多寡贏绌均由各統將自行核

奏臣不得知豫師專餉只由台代催非如穆圖善雷正綰所部甘軍均隸臣部裁併遣撤由臣會核辦理穆圖善所統步營送有總數名單雷正綰造有花名故能由臣統收分撥情異事殊未可同日語也近年新疆軍餉由各城大臣紛紛自行

奏撥固失盡一之規臣如查核未明冒昧具陳仍非核實之道可否照部臣劃解章程分段

飭下烏魯木齊都統伊犁將軍所屬各城歲需經費并現存滿綠換防官員兵丁實在名額應支糧餉分款核實報部由部通盤審算仍就原協省分指撥有著之欵定限撥解不准推諉從前積欠新疆各城餉項分年掃數截清先行提解若干如何勦撥統由部核定撥解俾歸盡一而專責成其東南及川陝各省應協出關各軍新疆各城餉項凡移報西征糧台有案者仍可由台代催所有違

旨查核情形謹據實陳覆冉文驥派員赴蘭請餉已由臣摺撥銀

一萬兩明春上年負欠玉門採買糧價銀四千六百餘兩已飭該管局員照付清欵其布倫托海台站經費由另片附陳以清眉目合並聲明伏乞

聖鑒訓示

光緒元年八月二十五日

請各省勻濟餉需片

再現在時局洋防塞防并重人共知之而能言之而難易之分不能無辨洋防開辦一年經始之費可減塞上則正值用兵諸需從新籌措如軍火器械一切海疆隨時隨地可辦者塞上則須預爲籌計踰水陸萬里以達軍前始供取用一物之值購價加於運費已相倍蓰尙須先備採運實銀乃期應手其不同者一也海疆皆富饒之區各口通商又利源之所以釐稅言除兩江歲入千萬緡曾見章奏外粵浙所收較丁糧奚翅一倍所需防費自己綽然甘肅則素稱荒瘠通省丁糧一歲僅二十餘萬兩亂後則併此亦難復按農民喘息僅延諸凡事務須由官多方措置始免槁餓空

山又地氣高寒物產本純土俗不解經商服賈出外求贏貧乏無聊坐以待困耕畝早罄挹注奚施其不同者二也東南澤國杭稻之鄉舟楫轉輸一帆千里商之謀生易裕官之籌措非艱甘肅則糧食升斗皆須負載而行數十百里之程非車駝莫致運脚之費每過糧價數倍且有多過十數倍者故東南各省糧與餉可合爲一西北則糧價腳價非由官另籌津貼不可其不同者三也用兵既久官私耗竭有時需用孔亟儲積已空則於富室大商挪移借貸隨時歸欵甘肅則本地無可籌商如協款不到惟有借用洋商巨款及飭各台局向附近殷實商人議息籌借然借洋款則必指省關還款以印票爲憑借華款則必飭台局於附近商賈會萃之區籌辦以信約爲憑近則陝鄂遠則上海相距遼闊不能尅期得銀而華款又多零星湊集爲數無多比借款解至則守候領取者環待已久一散卽盡既非若海疆之就近取資可以省事又不能如洋商之易集巨款可以久支如非計無復之未肯出此其不同

者四也。自出師江皖轉戰浙閩所歷皆兵燹之餘就地籌維未嘗奏請部款就浙之餉需以討閩賊就閩浙之餉需以討粵賊迨事平調督陝甘而欠餉一律清還浙閩司庫亦漸有儲積蓋東南各省餉源可資軍用易充轉運又便雖時艱孔急需用浩繁但令經畫有方亦可勉資敷衍非若甘肅之無可取資仰給各省協款如嬰孩性命寄於乳媼乳之則生斷哺則絕也竊計沿海之防除從新購採製造應用款項所有餉需一切未必多於前此用兵之時而南北兩洋又兼六省協款之入撙節支用防患未形綽有餘裕乃各省應協甘款既不照常委解而各省之協濟洋防者又皆以洋防爲急塞防爲緩以致軍出款日增入款大減豈沿海防軍重於出塞征軍今日防海之事實急於出塞之事乎竊維餉源只有此數此壅彼缺勢所固然疆臣各轄一方畛域攸分恒情不免部臣總司

國計因時制用乃其所宜無論防患未形較之整軍待發者事勢

本自從容卽有時變故紛乘在腴疆就近籌維豈至遽形束手制用之道惟尙平均均無貧不易之理果能相其緩急爲之酌判則襄多益寡自可兩全卽以欠餉而言臣軍積至二千六百餘萬兩之多所部除火食馬乾寒衣單衣外每年僅發一月餉尙須多方設措似此窮蹙事何可長各省雖同值時艱但各就本省應發餉需節縮一兩月勻濟甘肅在各省所欠者不過一兩月之數在臣軍前各增數月之數是富者減一孟之食仍免號飢貧人有壺飧之加卽期宿飽不獨通融挹注大局藉可維持兼之撙節支銷積欠亦漸歸有著此則微臣區區愚悃不得不披瀝陳之者也現當整理軍事之時念及軍儲不供刻深悚惕謹據實附片具奏伏乞

聖鑒訓示施行

光緒七年八月十五日

軍機大臣奉

旨該衙門速議具奏欽此

新疆圖志

奏議三

光緒元年十月初六日准戶部咨開本部遵

旨速議陳明海防各餉係於各省應協西征軍餉之外添撥並非
於各省應協西征軍餉之內勻撥各該省關自應各解各餉本毋
庸作挪東補西之計以致有顧此失彼之虞應請

飭下各直省督撫將原協添協西征各餉及分解南北洋海防各
款一體兼顧毋稍偏重卽飭各司道監督等務須各按各款照數
清解不得因現有海防撥餉將西征各餉藉詞延欠等因具奏奉
旨依議欽此

請飭兩江迅解老湘全軍月餉片

再臣此次成軍以出志在剿賊緩邊並爲建威銷萌之計惟自付
年衰病久深虞精力未足副其志致貽

宵旰之憂亟圖倚任良才匡其不逮三品卿銜現署西南道劉錦
棠英銳果敏才氣無雙近察其志慮忠純尤堪重任現令率所部
老湘全軍從征並委總理行營事務俾隨征各營得有稟承庶資

展布此外統領營哨各員均酌簡相信員弁樂事赴功者用之竊
維西事之嚴未卜何時專就劉錦棠一軍而言按月由金陵撥給
餉銀四萬五千兩上年洋防議起兩江延未撥解現署督臣劉坤
一雖知其艱疊飭委解然僅解至上年十二月止自今正以後八
箇月共計欠解之餉三十六萬兩現正料理行裝無可籌墊伏懇
天恩勅下兩江督臣迅將老湘全軍月餉如數委解前來俾得迅
赴戎機此後該軍月餉仍請

飭兩江照舊按月委解毋再羈延庶足保茲勁旅謹附片陳明伏

乞

聖鑒訓示施行

光緒元年八月二十五日

請飭福建迅籌欠餉片

再閩省協餉經臣奏准原協銀四萬兩添協銀四萬兩西征以來
每月僅解銀五萬兩同治十一年十月福建輪船局經費告匱臣
以西事安危不過一時之計輪船控駁沿海寶

卷之三

國家久遠之規深慮功敗垂成奏請於軍餉項五萬內劃撥銀二萬兩交輪船收支以免廢輟計自同治十二年正月起共撥過船局銀二十六萬兩臣軍每月僅收閩省協甘餉銀三萬兩是年十月總理船政臣沈葆楨以船工將竣所加月款二萬兩可以節省具

奏鈔咨到臣當經咨明福建督撫臣以船局經費既無需劃撥自應仍解甘肅以濟軍需而該省於同治十三年三次解到銀九萬兩又本年五月撥解出關經費銀二萬兩統截至光緒元年六月止共欠解銀三百一十二萬兩新疆軍務方殷若如福建一省先後兩年僅解銀十一萬兩懸欠過多實非意料所及合無仰懇天恩飭下福建督撫臣迅速飭司趕緊設法籌解以符原案而速師期謹附片具陳伏乞

聖鑒訓示施行

光緒元年八月二十五日

軍機大臣字寄光緒元年九月初七日奉

上諭左宗棠奏軍餉支絀請飭速籌解濟並關外各軍及新疆軍
餉請仍歸戶部核撥暨請各省勻濟餉需請飭戶部劃撥科城的
餉各摺片本日已諭戶部速議具奏另片奏請飭兩江迅解老湘
軍月餉及請飭福建迅籌欠餉各等語已寄諭劉坤一等卽速籌
解矣關外事機甚急餉需支絀自不得不竭力圖維先其所急現
在金順已抵古城各路官軍皆可陸續前進亟當乘此機勢趕緊
設法進兵迅圖剿辦軍事餉事左宗棠仍當妥速區畫俾出關各
軍整旆西進迅赴戎機一切情形並著隨時詳悉奏聞以慰墮繫
將此由五百里各諭令知之欽此

請飭劉典迅速赴甘摺

奏爲軍務需人仍請

諭令候補三品京卿劉典迅速赴甘幫辦軍務恭摺馳陳仰祈

聖鑒事竊臣前於六月二十八日拜摺懇

恩敕令劉典速赴蘭州幫辦軍務荷蒙

聖慈允嗣准湖南巡撫臣王文詔鈔送八月初三日代奏摺稿
知劉典以母年衰邁身病未愈籲懇

天恩養親治病以終餘年其時劉典尙未接到臣鈔摺咨會並函告一切也旋接得臣函牘知己敍及親老告養人員職以職守非其心之所安已仰蒙

聖慈曲諒泣告其母謂既無職守進退似尙綽然如親體不適已病有加屆時據實陳情或可仰邀

聖明鑒察諸子及其親屬又以

高厚之施

矜恤之德不敢負劉典之母感激涕零疑懼頓釋頃又接劉典手函謂母已轉念並飭其促裝惟母壽在十月初旬擬叩祝後乃可就道計其發函之時尙未欽奉

諭旨也如蒙

天恩仍令劉典帮辦陝甘軍務仰懇

速敕王文詔轉飭劉典迅卽啟行帮辦陝甘軍務計
諭旨到湘不過旬餘較由臣欽奉鈔咨轉寄湖南可早二十餘日
俟劉典到甘將軍務逐一交代啟程西征不至稽延過久區區
愚忱伏乞

皇太后

皇上聖鑒訓示施行

光緒元年九月二十八日

軍機大臣奉

旨昨據譚鎮麟奏請敕劉典迅赴蘭州已諭令王文詔傳知該員
欽還前奉諭旨迅速起程矣欽此

楊昌濬可資臂助片

再陝甘軍務近雖幸承

福庇一律肅清惟轄境兼蒙古回番之地因習俗而施政教隨時
隨地剛柔異宜現雖安謐然建威銷萌規畫久遠者實難悉舉入
告也又臣所部各軍雖非一省一路之人究竟楚產爲多各將領

皆十餘年前舊部末弁勇丁積功拔擢所致。之馭軍別無才能
權智所恃者誠信不欺絲毫不苟不敢以一時愛憎稍作威福政
失人心行之既久湖湘子弟習而安之雖欠餉積多尙無異說回
思咸豐十一年成軍以出日在憂危惕厲之中至今猶惴惴焉。

茲奉

命督辦新疆軍務雅自慙非分然誼不得辭而內顧茫然時形憂
懼諸將士聞。荷

新命多赴蘭州自請隨征出塞者默察隱情蓋均虛及餉項積欠
爲數太鉅出塞遠離恐軍情未帖然也竊維咸豐十年。奉
命襄辦江南軍務其時辦理。軍管務者三人一道員王開化不

幸積勞早逝蒙

恩予諱貞介一劉典一浙江巡撫。楊昌濬皆平時道義切磋深
清自矢堪共患難之人時論或有不同而信行相符至今實堪覆
按。茲遠出兵事餉事不能不以陝甘爲根本若後顧不免他虞

大局何堪設想。之所以顧懇

天恩簡劉典幫辦陝甘軍務者以此邸鈔楊昌濬因病請假已蒙天恩給假一月如楊昌濬能去浙度隴則更可資其臂助。之幸亦西事之幸也謹披瀝附片陳明伏乞

聖鑒訓示施行

光緒元年九月二十八日

軍機大臣奉

旨另片奏浙江巡撫楊昌濬如能去浙度隴可資臂助等語西陲軍事緊要襄辦需人惟楊昌濬係封疆大吏如令前赴軍營應如何位置之處著該大臣先行奏明

請旨辦理欽此

暫借洋商巨款以資接濟摺

再泰西各國遇有兵事向商人借用巨款相習爲常洋商之來華貿易者每以此爲利從前尙有以應需借用洋款與否向問者可知用兵借銀本各國常例商情稱便無華商居奇之心且借款愈

多則息銀愈減亦與華商計畫迥異沈葆楨籌辦台防時聞初議借用洋款一千萬兩每歲給息銀八釐洋商樂從并無推諉其時卽有爲^臣籌策者謂關局艱難至此盍亦仿照辦理免致坐失事機^臣以關內業已肅清宜力圖撙節故祇擬商借三百萬兩嗣奉命督辦新疆軍務籌辦關外採運出款日增而擬借洋款又因部議游移洋商見胡光墉取銀遲緩懷疑未釋前又因粵東故生枝節畫押蓋印均多推諉商情不能釋然雖勉踐前言而發銀遲緩致^臣處遣撤諸事未能應手徒耗月息而應協各省見已借洋款三百萬兩遂謂隴餉或可稍資周轉漠不關懷不知^臣因洋款遲到失飭各台局息借商各款外祇一百七十餘萬到營耳頻年艱苦竭蹶之狀莫此爲甚^臣不善經理人乎何尤見在出關各營均已齊集涼州日加訓練擬於明正拔隊先行^臣之親軍亦已整理完繕俟幫辦軍務^臣劉典到蘭將留防善後諸務面商一切不過旬日亦卽啟行惟默計前途軍火子藥糧食柴草雖略有儲峙而

行餉不能攜帶一月倘後路無餉接濟不堪設想又出塞之行成敗利鈍非能逆覩縱令事機順利而合新疆周二萬里地方規畫久遠較之洋防七千餘里局勢尤寬歲月久暫遲速非可逆計徒擎空拳空談遠略非特無其理亦無其事暫擬籌借洋商巨款實迫於萬不得已之苦衷伏懇

聖慈特飭沈葆楨仿照台防辦法代臣籌借俾臣得所藉手稍圖尺寸之效西事之幸臣之幸也至其息銀多寡及一切辦法請由沈葆楨酌定臣不與聞緣沈葆楨素爲各國所信服商借洋欵曾有成議此時重尋舊說可免洋商疑慮又辦理南洋事務就近與各省關商議可無窒碍較臣所處尙易爲功區區愚忱非敢有他謹并以附陳伏乞

聖鑒訓示施行

